

懷清堂集卷四

仁和湯右曾西厓

同查查浦俞陳芳游憫忠寺

幽州遼宋來憫忠寺最古緬昔締構初貞觀實英主長策  
御區域四荒羅牖戶鳴頭漏帶水海外跨極浦蓋金好須  
髯作事曹馬伍兇殘義宜取豈曰此裔土關門士十萬一  
一手摩撫英公應祕記西嶺吼虓虎瑀公臥若龍東萊駭  
鉦鼓傳烽入塞垣破陣圖幕府登山紀功德天子神且武  
豈知柳城南花生骨已腐哀忠葬遺骼傑構闢宿莽要將  
龍象力洗此刀韞苦厥後上將旗聯翩三十五俘獲獻昭

陵談笑收五部所恨莫離支生未伏鑽斧我來幾憑弔事  
往難覩縷荒碑半剝落莓苔漬伏雨及此晚日晴松陰轉  
廊廡梵音寄喧寂秋容迷仰俯朋好得兩三筆力挽強弩  
千年如轉燭萬里想負羽待考金石文前史非小補

過雙林寺

高柳鳴蟬已到門小橋雨壞晝昏昏茶香一勺知新味鴻  
爪何年識舊痕乍落槐花秋夢冷自翻荷葉午風喧癡人  
未用癡相惜寶帶華纓一笑論

寄俞錦泉舍人三首

石家勾管好風光紅袖圍中倒綠觴十二年來如昨夢舞

筵猶記舊衣香

碧闌干畔月朧明天祿圖書縱復橫的是神仙有才子豔  
歌聲外讀書聲

屋梁幾載寄相思不遣微霜點鬢絲聞道先生新氣象酒  
邊瀟灑百篇詩

送吳青厓

初驚半面薊門霜乍別河干暑雨涼共羨少年先入洛豈  
知才子倦游梁庭分玉樹枝枝秀堂有槐花冉冉香每到  
經樓最高處始知季虎氣堂堂

題楊青村黔行圖

盤江水淙濺五溪石竦桀天寒迫殘歲我友萬里別垂腰  
大令綬行意慘不悅我還笑謂君有美此才傑虎頭食肉  
志固已輕九折豈比碌碌人跬步憚棲屑志士有高駕良  
馬無停轍龍蛇百尺姿正要飽霜雪夜郎古荒服勇鬪劇  
覩抉只今知詩書諸生習綿蕪往看文翁化魚貫就行列  
官閒亦何有俗朴門不閉陋邦雖苦貧往往富金鐵催科  
幸無擾得酒笑且啞昔者君先人曾持使者節六州思羊  
公遺愛猶可說至今百蠻地士女爲哽咽君還訪舊經碑  
字未磨滅耕煙今逸老妙手寫幽絕山川與城郭好景非  
一設梯天一握近拔地寸步劣最愛巉巉峯雲裏見牡凸

果然有此境，迺往計當決。況聞有丹砂，磊砢出靈穴。清詩照絕徼，光比孤月潔。還爲風土吟，寄我寫勞結。

題范夫人畫三絕句

新蟬

柳絮才高蚤擅名，丹青餘事亦天成。閒將鸞鳳鴛鴦手，寫出新蟬第一聲。

黃葵

金陵小筆畫葵黃，千載同拈此瓣香。綺繡一絲容不得，道家裝束淡衣裳。

紅蓼

江南蓼岸紅無數多傍魚牀與釣槎標格一枝看更好不  
須辛苦作叢花

李丹壑前輩見示白門集

十年誦君詩三年隔君面關河邈風雨塵土委筆硯君行  
曾幾時日月如急箭別程槐黃黃鄉夢江練練天邊念朋  
好雲外疎鴻雁每思合并難執手笑且拈寒暄無恙外冰  
雪探一卷君才雙雕玉粹美無可揀十五登承明麗藻壓  
羣彥詞場幾老宿斂手避文戰貞淫別雅鄭同異考箋傳  
沈酣歲月來體製看數變蕭閒白門集暑雨冷夏簟一曲  
長干行飄零幾歌扇秦淮好簾幕楊柳萬條線一一思舊

經悠悠記深眷江花開五色妙語讓君擅沿流沂淮肥走  
馬過梁汴懷人弔古作一字一黃絹煙霄攜綵筆仍自入  
吟院顧余誠迂愚辱君屢殊眄游門篤舊友雅詠諧密宴  
國香蘭九畹詎比蓬艾賤琅管俗耳驚雲錦凡目眩還君  
繡鴛鴦金鍼覓誰見

移種白丁香兩株

閒從老圃得深譚灌植茅齋小似龕種樹寧爲十年計看  
花自笑一春貪輕陰晝永移簾押殘夢香清撲枕函愛爾  
抱叢千點雪寸根銜取送江南

次錢蓼潛見貽韻

雙手誰能障巨河空驚五色眼中過新愁岸柳低攀袂昨  
夢宮花輒襯鞞楚澤三秋吟墜露漢庭一笑失橫波先生  
貝齒侏儒飽底用風前想玉珂

南榮有軒三楹縛竹爲籬植雜卉其中以爲游息偃  
仰之地四首

讀書惜已老看花悔不蚤平生此二恨耿耿挂襟抱七年  
京城居庭未見寸草天機紛六鑿世網觸九惱豈知物外  
閒熙春自媚好形骸嵇叔夜土木太枯槁吾師郭林宗逆  
旅亦灑掃

枳棘編作籬薜荔栽爲牆年年貯秋雨草樹半已荒京國



苦風埃此樂安可望  
盆盎得生意露下明月光  
破蟄走百蟲昨來微雨涼  
呼童縛竹埤花藥一兩行

文無催我歸海棠破昨夢牽牛始引蔓  
錦帶已羸空纖纖白棣花萬點雪吹凍  
勝春如佳人朱顏酒微中光隨暮色  
斂香與晚風送嬾知世緣疎靜悟物態  
衆鼠肝與蟲臂擾擾爭羣動

南園飛蝴蝶翩翩若有情  
花房釀游蜂戢戢如有聲  
暄妍感時節辛苦各自營  
我來卷簾坐讀書軒南榮  
一餉亦云樂千載如可并  
異時王安豐眸子秋水清  
嗟哉營營子爝火安得明

送呂山瀏之臨胸

讀書把丹鉛作吏就朱墨書圍足瀟灑吏事有程式呂侯  
風雅才開卷欣獨得當其下筆妙魁磊百夫特只今親簿  
書民事紛已逼莫輕百里宰大小各奉職才從百練老節  
自寸莛植此中惟宜酒毋乃負飲食又笑朱子元奮髯太  
強力吾師蓋公意刑名本道德齊州桑麻川沃土惟赤埴  
煙雨勸春田燈火催夜織但期畢租稅未用憂盜賊君才  
無不宜賢者詎可測三年課治行天際翔羽翼看君任諫  
諍偉矣邦司直

送家兄子方之清流

行路何必蠶叢難千渦萬沫新羅灘磋磨一線千仞底篙  
師譚笑無波瀾山重水復阻煙霧孤城小驛開茅菅君今  
行持部牒去舴舻一葉凌飛湍陰崖暝谷濺急雪坐覺六  
月溪風寒到官梅雨歇清暑萬山荔子方舒丹訟庭無事  
數花落石上時有青苔斑清平長官父老喜儒雅吏治琴  
書閒對牀應念老兄弟擾擾歲月驚雙丸平生僻性愛水  
石念此不得同躋攀飛車恍若行萬里坐我絕壑危峯閒  
清猿夜夜月挂樹素馨一一香連山閩州芳草滿沮澤百  
本好寄幽人蘭

送魏禹平之濟南

時赴李  
觀察幕

七十二名泉娥姜水第一北爲大明湖湖寺陰負日開軒  
面魚鳥水木最明瑟物理感廢興故址亡六七惟餘淨池  
水濫若咒泉溢年深壯蓬葦彌望日蒙密緬昔歷下亭少  
陵有健筆千年觴詠地野水蕩爲滴使君北海裔文雅邁  
流匹經營還舊觀比者工甫畢豁達排天宇空明俯泉室  
十頃開鏡匳一片拭琴漆濟南多名士土風足紀述意猶  
不自厭千里盡僑盼君今囊書往文字提一律虛徐夏景  
清散落濠上帙照眼荷芙渠紅妝翠擎出輕舸弄煙水舊  
夢俄已失從君續前游欲往恐難必

次韻送王令詒之茂名二首

王微風月蚤知名，綰綬南巴萬里城。  
雪客有時還隱鷺，金衣何處不聞鶯。  
枕椰葉暗侵杯罍，翡翠巢低偃旆旌。  
京洛舊游重記否，六街塵土鬧春飴。

各以篇章鬪苦吟，門前馬蹶復車駸。  
分箋共打蘭陵鉢，索句休言單父琴。  
海上著緋從政始，鬢邊吹雪舊交深。  
蠻鄉夜雨應回首，珍重瓊瑰贈別心。

題松南釣磯圖

爲令  
詒作

春波鱗鱗遠涵碧，孤月罔罔暝吐白。  
萬條楊柳五湖風，三尺綸竿一片石。  
卷中漁釣誰畫本，江左風流此詞客。  
坐來興寄殊閒閒，望裏神光猶脉脉。  
平生廊廟才自大，夢寐江

湖性所適細觀鷗境訝許寬回首羊腸等閒窄雲根沙鳥  
來有信磯畔春潮沒無迹先生甫里編廩篷丈人江上容  
安宅籜筩細碎安足道笊箸縱橫竟何益明年海上拔鯨  
牙大笑天邊坐鼉脊

送金孝緒之德興丞

扁舟汎彭蠡雲物入九夏落帆歲寒山林木森繞舍官閒  
亦何有俗儉人事寡想見藍田尉哦詩古松下

同方若葭沚晚過迎僊觀得九青六麻二首

重過蘚逕與莎亭人似飛鴻此又經好景一年看歷歷秋  
光萬點散星星松廊斜日陰初轉石砌閒花晚欲零芝蓋

霓旌俱寂寞空餘薜荔短牆青

玉清歸路有棲鴉不羨唐昌觀裏花  
冰齒猶寒青石髓回頭已斷赤城霞  
壺中浩劫匆匆過鏡裏霜毛漸漸加  
仙酒餘杭尙堪買煩君重到蔡經家

題王茂京給事仿荆關青柯坪圖

洪谷天成氣態殊關嶺古淡足工夫  
出藍標格無差別一樣秋山樓觀圖

題李松嵐翠微寺圖

我愛西南峯三五總娟好何當領絕境  
佛閣破霜曉陰陰秋樹暗一一寒泉繞  
他年兩芒鞋雙塔記林杪

送李約山之官涼州

似君文采駕枚鄒，忽漫乘輅過隴頭。  
司馬一官新按部，河西千里舊防秋。  
邊庭鐃吹傳才子，父老壺漿拜郡侯。  
滿汎葡萄倚橫笛，桃花春醉古涼州。

送沈昭嗣之官監利

東陽才子河陽令，綵服還鄉破臘新。  
千里江山方捧牒，一船琴鶴便迎親。  
邑中霜橘探懷美，郭外湖魚入饌頻。  
況是官閒詩思好，渚宮西上待吟春。

送潘集生之官曲沃

連璧風神十倍加，牽絲路指太行斜。  
七年杏苑初懷綬，一



縣檀郎只種花詩境小胥安筆硯  
宦情老父話桑麻  
銅琶錦瑟新聲好笑拂青鸞  
照臉霞

集生新  
納燕姬

送錢叔鬯之官閩溪

金明池上杏園偏猶憶宮袍稱少年  
家有詩名傳大曆官從雲棧入西川  
山迴劍閣春風蚤水接嘉陵夜雨懸  
聞道閩中花最好歸栽梧掖柏臺邊

題放鶴圖

仙禽無凡姿矯矯九秋翮  
稻粱生計微雲水歸夢積主人  
意閒遠共爾風露夕舉杯向青冥  
彈琴坐白石

送朱敬如出守九江三首

望郎文采敵枚鄒旌蓋南行及晚秋三十宿宜新月色二  
千石是古諸侯門前爐擁一峯秀郭外江看九派流高詠  
琵琶亭上路使君何減白江州

世家喬木有清風複榭重闌玉一叢我愛清吟此才子人  
言好士類司空雪車冰柱風標似秋月春雲意度同合與  
匡廬作賢主瀑泉萬斛在胸中

閒分翠管擘雲箋文字師門托契偏貪借異書常萬軸共  
持杯酒又三年眼中簿領心期少望裏江山夢到先觴詠  
情懷官況味北來時遣驛書傳

送潘尹四首

輸與髯卿此一官只教高枕勸加餐銅坑紅綻楊梅熟先  
上潘郎瑋瑁盤

分得君王符竹來官名雖小亦悠哉太平不見催科事撥  
了文書近酒盃

吳山舊事未全荒畫本詩篇王太常今日東園好風景不  
妨騎馬數徜徉

曲殘紅豆最相思何處鉞樓祝喜絲好爲春風畫桃葉待  
教唱我渡江詞

雪霽寓齋小集

蹇然颺颺徑足音未易聞翩然鸞鶴姿叩門來數君數君

高世才聚或動星文輝光借蓬華警欬生風雲朝來微霰  
集旣霽仍清芬閉門手古帖不換千鵝羣車跡到亭午醖  
杓逮夜分要當劇詩壘豈徒列酒軍我方同公榮不飲亦  
自醺如香爇百和乍染猶氤氲仰屋笑著書此語古曾云  
吾徒亦何事糾軋長紛紛退之愛文字苦嘲盤饌葷踏筵  
果可致寧當避羅裙陋彼下士語細響同蠅蟲吾欲清其  
源三沐復三熏醉侯枕麴蘖左史誦典墳知味出醞釀欲  
殖非耕耘文堂共麾幢詩酒兩策勲烹微待朝影黯黹留

斜曛

懷清堂集卷四

懷清堂集卷五

仁和湯右曾西厓

贈喬石林侍讀四首

南宮風月已多時得路烟霄去較遲閒與墨卿爲職業冷  
看芸府是曹司關心小貯銅匱火過眼慵爭玉局棊那更  
宦途論巧拙護花累石足幽期

有才如此合騰騫尺一俄聞 詔旨傳泚筆露分仙掌上  
題名香繞 御屏邊遭逢魚木真千載顧盼風雲便九天  
第五何因減驃騎品題況自玉皇前

漫將鉛槧笑儒工稽古榮看禮數優一賦舊曾傳豹尾七

年今始上螭頭清班曠典知無愧密侍殊恩可易酬公等  
自堪當世用不徒文采重枚鄒

每逢下直卽談經萬卷書圍一草亭筆海濤聲天渺渺墨  
池雲氣雨冥冥山圖落手懷孤往酒地當杯笑獨醒蕭散  
冃容無事在卽看魁下是三星

題殷彥來歲寒吟集後

先有漁洋山薑  
兩先生贈句

歌聲金石出閒居冰雪崢嶸歲漸除誰解何郎有佳句一  
時沈范兩尙書

王赤抒舍人署其齋曰野航邀共賦詩因次原韻

淺浦深灣一葉舟粳炊船尾鱸船頭滄波倚楫心常在畫

舫名齋事更幽虹貫月時隨蕩漾浪如山處盡遮畱舍人  
懷抱清於水閒詠陂塘菡萏秋

花朝實君儀部招同諸子小集分韻得山字鋤字

飲食煩君名踈慵笑我頑酒宜排日醉人趁一春閒坐覓  
林中草心貪雪後山百花開漸近鳥語變關關

手自營珍味交親意有餘未嫌官俸薄常恐酒杯踈  
門生議餅罌隔歲儲艱難吾後約菜把出烟鋤

送式如姪南歸

蓬山芸閣賸閒身雨雪春來卧浹旬職事敢論三代史俸  
錢不救一官貧庾郎鮭菜無兼味謝氏烏衣有雅人每念

竹林前會在愛君談麈往來頻

買得青帆欲渡江。脩門別路水淙淙。笑人多蠟游山屐。爲我歸營聽雨窗。迸石斑斑牆外筍。撥醅澹澹臘前缸。燕雲吳樹勞相憶。夢裏烟波尺鯉雙。

送履中長老

沒膝街泥雨雪頻。苦畱莫漫笑因循。師應桑下仍三宿。我已花前負一春。衣鉢只如飛鳥跡。江山好在野雲身。十年座下稱都講的。有香門未了因。

賜金園圖歌

爲桐城尙書作

今之元老桐城公。廿年論道蓬萊宮。手捫星辰夾日月。蒸



爲甘雨噓和風許身真當稷契比高志夙與烟霞通公家  
樅陽好巖壑楚山不斷青摩空龍眠翠壁看面面亂入窈  
窕穿瓊瓏山莊

李伯時

故址畱粉本公亦別墅環其中敞開

堂軒複架閣密插楊柳疎栽桐往年兼金 賜內府特以

開鑿煩神工珍材豈分岱畎北異植或徒溫房東君臣契  
合恩禮異書策所載誰能同我公風尚秉清素恥以富貴  
誇豪雄門前五畝耦沮溺但課歲事觀農功雨餘丰茸春  
稻綠霜後穉稔秋塍紅愛山豈必山中人我聞此語東坡  
翁公方爲國作梁棟明堂九室凌蒼穹鑑湖未須乞於越  
綠野漫自憐高嵩栖工飲谷事豈易遠夢空逐歸飛鴻虞

懷清堂集 卷五 三  
山逸老妙圖畫紙尾薄技餘雕蟲公之文章浩河漢下笑  
涓滴流淥淥宅年從遊許襄廸千里會買烟江篷

病中查悔餘以詩見懷卽次原韻

蕭然敝几倦猶凭僮觸屏圍喚不磨病覺雪風侵骨冷貧  
憂藥物與年增濛濛自護藏灰火回回長懸照夜燈多謝  
先生好詩句愈風檄手更誰能

送陳斐公南還

襜褕殘雪照河干送爾烟波倚櫂還愛弟心傷春草碧老  
親健喜舞衣斑隱居學道人爭許獨行持門事本艱竹傘  
藤屨泉石路多應難似舊時閒

再疊前韻

俗學真羞祿可干  
草堂歸夢羨君還  
雨餘翠竹穿窗小花  
下紅魚嚼影斑  
靜愛著書人未老  
貧憐負米歲方艱  
宅時夜語香燈爇  
照盡恒河悉等閒

次韻張聲伯孝廉見寄

早攜綵筆壓神州  
兄弟才名入選樓  
不少吹噓得任沈  
獨將風格繼梅歐  
聯翩宦跡青雲上  
屈注詞源碧海流  
遙想新詩滿河隴  
太行冰雪擁前騶

題朱北山寒雀圖

芭蕉葉枯霜已裂  
臘梅枝凍雪欲折  
寒雀忍寒拳兩翼  
橋

邊何者彈古舌

去年所種籬閒雜花次第皆放

一年前此插花叢也有滋培長養功小草無名雖瑣細孤  
根得地亦青葱經春雪大開差晚直北風多埽易空牋乞  
天工同愛惜數枝婀娜照簾櫳

與張九如表叔夜話

人生常飄飄風雨從所適五年如夢寐半面此良覲落身  
簿尉中趨走上官檄王程無東西冰雪就遠役長安僦居  
住斗米太倉糴通懷任舒卷豁意寫肝鬲我時困甌羸終  
日臥向壁殷勤數問訊藥餌巾蒙幕先生丈人行高曾舊

親戚猶記我童孩繞牀梨棗覓巢傾故家燕管咽隣人笛  
念舊增歔歔撫時入感激於今太夫人濟上且安宅雖衰  
猶善飯至孝神理格尊前一杯酒聊用減憂憾晨島市已  
買早韭畦可摘歡游二三子情話朝及夕君畱能兼旬夜  
窗待虛白

合肥相公居廬三年常有白燕翔集作詩寄呈

禎祥名有由幽隱理不隔允矣大孝人天地爲感格我公  
曾閔性純懿洞金石祿養四十年愛日慮彌迫出踐百僚  
上丹青炳功績入侍慈母顏嬰孩伺喜戚臨危呼蒼旻顙  
禱躬自責淚盡屬纊辰血灑衫袖赤乃知終身慕萬口爭

歎息 朝廷恩禮殊中使問絡繹煌煌貞松字寵命 至  
尊錫碑綽歸阡原辟踊臨窆窅惻愴三年喪倏若駟過隙  
骨立居倚廬長號晝連夕悲泉夜瀆涌枯樹秋蕭撼寒吹  
振空山淒風結廣陌靈禽海上至皎皎刷毛翻襪毳冰雪  
姿暎此麻衣白飛鳴不無意下上從所適終朝戶庭閒棲  
止松與柏往者夢投懷瑞世生且爽今茲幽埏上感名精  
誠積世衰行誼薄頽波藉公激豈惟在廟堂名德樹準的  
卽今直經際坐見風俗易元化調鼎台人倫篤儒碩載賡  
白燕詞史乘流舄奕

晨起聞同舍諸君有豐臺之游口占

出郭休憑問訊書。羣公作計未全疎。釀錢先日謀沽酒。好事東家許借驢。一帶綠楊依水遠。萬畦紅藥破烟初。可知鄂杜游應徧。臥病清愁忍笑予。

酬惠元龍庶常三首

故人久疎索羸病。臥逾時合藥期。仍卜看花約。屢辭細泉鳴石鼎。鬪雀墮簷枝。佳句勞相憶。清愁胷亂絲。

載酒楚江上。哦詩淮海濱。風流前日事。惆悵十年人。移竹閒聽雨。畱花晚占春。交情垂老大。白髮數莖新。

三載蓬山住。情親等弟兄。青雲看後輩。綵筆失先生。土冑埋龍氣。風須送鶴程。蹉跎君莫歎。得酒再三傾。

題悔餘蘆塘放鴨圖同錢石臣用鴨字

昔者崔白與徐熙各各蘆塘畫秋鴨君從十年圖此本干  
里隨身在行笈江湖塵外饒啄食寒暑囊中等裘筴浮漚  
漾影光動搖接荇穿蒲波唼喋豈同先生住甫里亦與好  
景共清雪君才如掉溟渤鯨出語能令萬夫壓六鰲一釣  
連龍伯下笑闌邊背噤噤道士鶩寧有意籠海濱鷗本無  
心狎秋堂夜雨重把卷臥病經時寒白袷也知幽事同襟  
期恍與高人接睂睫幾時倚槩同君去出險心如下夔峽  
驚濤擺闔駭浪輸淺水蘆花夢猶怯君家兄弟深契託豈  
比恒情稱款洽不妨詩酒成三人共宅清漳我應夾南隣



叩門船有借北闕朝天履休跋識路知歸暝向村沿流自  
遠晨放牖家雞野鶩莫分別聚訟紛然議禘祫只今秋帆  
理數幅別酒盈尊且勤呷閒來放鴨偶爾畫裏看人空  
劫劫桃弓休問踏浪兒卿去還應用卿法

初秋病中遣懷四首

一夜西風颯已秋雨餘微潤在衣篝暄涼候覺陰晴異造  
請忙因疾病休碧蘚嫩初侵露砌夕陽沈更暎簾鈎不巾  
不鞵差疎快望裏橋虹晚欲收

鶴長鳥短總堪嗤忍病清齋燕坐時食蛤蜊寧知許事索  
檳榔乃笑長飢可知說士甘於肉差喜談兵略似碁倦卽

高眠醒便起。半縈香篆上銅匱。

歸歟鄉井興何如。菜把難營隙地鋤。世上爭能無事事。閒中聊復借書書。雞蟲得失何關我。蠻觸紛紜可笑渠。瘦骨年來無一把。棲心只合在清虛。

幽處微聞草木香。安排筆格與茶牀。雅思對客聞才語。暇輒繙書檢藥方。芝桂腴腴隨措置。龍蛇虎鼠任料量。蓬頭散帶且明士。吐論縱橫或未妨。

題項霜田秋樹讀書圖

司空三十車一過不再讀。豈知瑯嬛洞萬籤未流目。況復千年來烟海浩簡牘。寶裝不觸手。緹裏空架屋。予生雖苦

晚好古念久蓄幽森皇墳書寶祕金石錄涓滴乞殘瀋  
氲巧餘馥所恨椎魯姿伸紙必三復得一九已忘枵然負  
此腹年來更蕪廢塵土盜寸祿狐史一筆無空名濫史局  
此心耿耿在詎便高閣束譬如撥灰深溫磨火猶宿每逢  
佳士語輒接遙夜燭徐徐涉波瀾浩浩脫邊幅君從故鄉  
來別更六寒燠平生舊游好命駕煩屢辱時時歌新詩清  
音戛寒玉興來爲長句千言筆應禿旁隸史乘事朗若目  
親囑劉郎真善人能使家令伏自春臥羸病擁被苦瑟縮  
喜君談天口博辯如炙轂東方多澹辭談啁語尤酷君才  
實具美分了十人足酒邊徵雅令猶足咤庸俗我雖愧如

歸君每來不速錙銖較文字粗糲饜蔬菽秋期整歸鞍湖  
海興已逐攜持視此圖令我紙尾續一編秋樹根溜雨蒼  
皮感金天爽氣豁眸子湛秋綠行當借一鴟從君舊山麓  
雖貧或未害日煮二升粟

題折枝荷花圖

蘭橈桂檝倚來頻翠蓋紅妝晚更新不用鑑湖三百曲一  
枝畱待若耶人

題王赤杼納涼圖

取少陵竹深畱客處  
荷淨納涼時詩意

寫得新圖野趣長恍遊竹逕過蓮塘風開月影一林瘦雨  
作湖聲六月涼高節最宜霜後色苦心猶帶水邊香先生

標格冰壺裏未省人間有暑光

正月十三日東江席上同姜西溟趙蒙泉吳元朗張

漢瞻宮友鹿用子瞻岐亭韻

東風吹何時柳色染新汁連朝曉夢裏花朵壓紅溼入春  
春未動馬蹄空得得閒來叩君門推甕飲須急不知陂塘  
外拍拍幾鳧鴨喜心剗鮮腴暖氣上巾幘聞君宦游樂腰  
下金帶赤愛君名士風手中羽扇白談諧二三子取醉半  
墮幘酒酣哦新詩詩成鬼應泣纖纖月始生旋圓俄復缺  
人生幾良會珍重座中客年年試燈期莫忘此宵集

再用前韻送王雄飛之陽山

六年勤過從墨費幾斗汁半從酣醉後霑灑衫袖溼浪擲  
虛牝金與君兩何得不知空釜裏飢腸轉逾急閒來繞階  
除羣心妬花鳴君如瑚璉器暫用疏布羃玉川一先生并  
少婢脚赤故園劫火後彌望衰草白書劔久飄蓬髮疎不  
滿幘才高身欲老相對如雨泣寧甘伏櫪歌未用唾壺缺  
賢侯在中路行矣萬里客期君嶺海隅維舟或來集

徐道積招集碧山堂感賦

仍到司空綠野堂酒人詞客舊歡場  
一生知己傷存歿十載逢君各老蒼  
天上鸞鸞堪接武尊前鴻雁自成行  
闌干十二春風地幾樹繁花月似霜

賦得明月照積雪

次新城  
公韻

幽尋本無寐滅燭夜分時起視雪千里微明月半規寒光  
坐超忽素影共襜褕誰似王夫子巡簷獨詠詩

匏瓜

小園親種得苦蕒覆柔條老藉霜斤斷輕畱竹杖挑無風  
聲寂寂醉月影蕭蕭歲晚南村外巢由好共招

與雄飛飲畢爾榮宅主人夜話塞上戰功殊可喜也  
小來氣決早知聞老去談兵尙一欣曾擊驍騰雲下賊盡  
驚鼓角地中軍紅燈愛就文人語繡甲親從武庫分駐蹕  
山前鏖戰處白衣誰省舊功勲

莽式歌

莽式者樂舞之名也歲以季冬隸習禮部略如古者百戲之屬甲戌十二月十四日余得寓目乃爲

作歌

季冬臘日烹黃羊儺翁侏子如俳倡噴拳雜伎闔里社細腰疊鼓喧村塲太平有象自廊廟五兵角觝修總章春官都試平旦集萬人聯袂東西廂南箕北斗供搜挽繁絲軋竹同清揚闕驚出林吼虬虎很訝當道蹲封狼劃然忽變戰場態金戈鐵馬聲鏘鏘左旋右抽爛進止先偏後伍紛低昂弓彎不射刃不斫徐以一矢定寇攘髣髴觀兵耀德



意詎止武力夸多方  
眷鞞鞠脰起上壽  
千年萬年歌未央  
昆明池頭夾棚路  
洛陽樓下列炬光  
麟洲小水跨鳴綠  
九部亦得諧宮商  
紫羅帽邊插鳥羽  
絳抹額上搖金鐺  
輕身似出都盧國  
假面或著蘭陵王  
盤空筋斗最奇絕  
如電礮礮星光芒  
解紅俄作小兒舞  
文衣綵繚顏  
翹霜戲馬闌邊  
身便旋鬪雞坊底  
神飛翔踏歌兩兩  
試燈節秧鼓面面  
熙春陽牽絲底用魁  
礮子阿鵲雅擅籩  
籛條娘雙童夾鏡  
技渾脫晚出絕藝  
驚老蒼弄丸一串  
珠落手舞劍百道  
金飛鏢我聞殿前  
陳百戲緬昔制作  
傳漢唐魚龍曼衍  
雖技巧亦與民物  
關禩祥賜酺懸知  
俗安樂拔河爲卜  
年豐穰只今

殿廷虞懸備兜離傑佻咸賓將鳴球拊石洽至德散樂亦  
預鈞天張恍從輜軒採謠詠正以鞮屨懷要荒書郎羸馬  
久憔悴乍與鮑老同顛狂爰居縱駭鐘鼓饗舞鶴自應參  
差行千周萬帀狀倏忽舌橋目眩心蒼茫作歌形容莫究  
悉竊喜六律調歸昌

東臯草堂看杏花歌

清晨叩門折柬呼樹頭勸酒聞提壺芳郊走馬意不厭況  
有十里春風俱東畚曉烟林木暗一帶細草茸茸鋪萬錢  
几俎笑多事三月櫻筍煩新廚王孫天上本龍種文采復  
與常人殊喜聞佳士甘勝肉愛拂官紙柔於膚今晨名客

昨宵往先掃禪榻溫僧爐香界菴前一把手兩腋風駕登  
烟途暈香亭子森翠繞細泉入盞浮雲映風條露葉轉蒙  
密瞥眼仙杏花千株金明壓帽十年事惆悵昔夢成老夫  
妍姿恰宜麗日暎憨態欲遣香雲扶看紅看白情未足惜  
花惜玉懷仍孤只今佳時促芳宴它日雅會思吾徒嬉春  
排日合洪醉東走脫兔西飛鳥中年絲竹本陶寫一串頗  
愛歌喉珠沙頭玉餅酒不盡疊尊歡笑雜路隅柳條未放  
謝家絮蛺蝶新上滕王圖草堂重開割鮮罷更抄雲子炊  
彫胡城門曛黃歸轡急戀此光景畱須臾鄉心每念一區  
宅歸興空憶千頭奴羨君城南尺五地文酒之會無時無

竹爐銅碾紛雅具清詞妙寄非俗儒東風落手先一笑芳  
徑未遂沾泥塗林亭韋杜倘許借斗酒更擬明朝沾

送張卣臣學士祭告南岳

尉候通重譯懷柔荅萬靈天書頒北極祀事肅南溟衡嶽  
仙人宅文昌使者星九疑聯屬遠綵筆啟幽扃

典禮修三楚提封接五谿烽銷青海北文諭夜郎西共識  
天威肅須令王會齊百蠻應震警京觀築鯨鯢

漢瞻南行詩以贈之

如海長安城渺小一萍挂半肩寄圖籍兩耳聒梵唄時時  
從朋好清尊叙情話吾子昂藏人一往喜疎快曾中九雲

夢細碎冒蒂芥屢踏舉子場辛苦不得解蹉跎好名字尙  
有文可賣平生韓吏部混茫接高派兩窮適相遭合豈待  
媒介愛如北方蛩游比南海魴吟牋拂詩成醉馬墮飲敗  
風流賭碁槩餘事猶爲畫所嗟不得意青山浣塵霾西風  
一颯沓客子感秋屆結束還舊鄉修途遠行邁三年慈母  
心笑口北堂拜家臨太湖水朝夕看澎湃青蓮網白棘果  
否路荒怪幽居洵可樂卽事足瀟灑相期春雨餘行園剪  
新薤

懷清堂集卷五

懷清堂集卷六

仁和湯右曾西厓

出國門別諸子

王程趣辦嚴結束事遠役昨宵故人酒離思紛已迫今朝  
城南門風雨晦行迹依依戀親愛渺渺怨違隔須臾意不  
忍況在歲年別青山去逶迤待此萬里客遙憐牂牁水漾  
漾瘴雲白回頭九衢塵燈火夢疇昔清游知幾時悵望勞  
思積

涿州

南涉溝連北涉溝肅皇無復舊宮樓鳳池院裏新脣色一

帶青山入涿州

獲鹿懷古

石邑西來入亂雲  
花光嵐氣漸氤氳  
清思童水千巖束  
險接陁山一線分  
東海青林神女廟  
南荒黃屋尉陀墳  
茫茫舊史堪憑處  
剩有蒼烟送夕曛

憩曹氏水亭

澄泓鹿泉水流出  
碧山岑幽逕一支瀉  
虛亭四面臨翠深  
滋竹色雲薄散林陰  
濯足石潭曲松風清我心

爲家兄篆辛題烟江圖

畫出長江疊嶂圖  
青林潮沒片帆孤  
歸心已逐鷗夷子  
一



點烟波落五湖

兄弟東山志趣同  
可憐束帶已成翁  
心知不愛高官職  
樓閣江天夢想中

韓明府席上

弦索爭將風月清  
梨園小部最知名  
人間歇絕花奴手  
九歲誰傳羯鼓聲

真定道中

滹沱一水抱城迴  
慘慘平蕪朔吹哀  
全趙山河平似掌  
晚來風雨過寒臺

順德懷陳叔毅

趙國檀臺已廢邱幾行雲樹接沙溝草中蝌蚪書應在城  
下鴛鴦水自流酒肉朱門堪失笑風埃青鬢足閑愁最憐  
覓句陳無已短策方爲梁宋游

登叢臺

霸圖銷歇入閑凭雲閣峒巖最上層斜日烟蕪迷二水悲  
風猿鶴散三陵美人池畔蛾眉淺鼎士臺中袷服曾不斷  
太行山莽蒼西來猶似識衰興

磁州道中

夾隄柳色暎泉流溢口清源滙曲溝二十里中荷葉路水  
風吹綠到磁州

過鄭州雨後道濶肩輿雜出邨落畦隴閒青蔥彌望  
甚可樂也

午炊滎河飯晚指鄭城宿雨後清風生一日變涼燠僕夫  
畏泥濘迂道幾縈曲落身禾麻中平野舞淨綠敷滎已可  
愛未暇計成熟平生老農書雖好未竟讀微官田園興久  
矣念空蓄但求陽羨米敢盜太倉粟吾儕亦何須衣食望  
粗足提筐出村女聯袂共牆屋悵焉感遠游萬里雙轉轂  
出西門一絕句

高低坡隴到今存槐柳陰中碌碡村我亦天涯念兄弟斜  
風細雨鄭西門

懷清堂集  
卷六  
三  
寄錢石臣洛陽

穀城伊闕鬱青蒼  
水北山南古洛陽  
第一邦人重經術  
遺碑存否蔡中郎

北地深知苦旱多  
千金遺竭近如何  
銅龍古器非難得  
便是元康繼太和

淶水池應付劫灰  
團焦光氣本天開  
由來磊落英雄事  
愛爾高歡酒一杯

九僧遺集叩禪關  
詩社風流逝不還  
何日縣南三十里  
龍門諸寺接香山

春鳥秋蟬相續鳴  
東陽門外聽松聲  
伊川修竹真堪買  
便

合移家住洛城

東臯禾黍繞茅茨驅馬悠悠周道遲望裏何由見宛

平洛

幾回循諷石丞詩

禹州贈吳尉

頗愛人閒杜五郎閉門不出十年強先生可是黎陽尉試  
覓涼陰一本桑

六六峯前好卜居丈人澗上未全疎蘇州莫漫嗟界吏春  
草生時合著書

馬上

一天涼露斗斜橫羅薦輕寒近五更殘夢白河三十里水

薤花氣杜鵑聲

臥龍岡

古之求志人往往雜耕釣鳴呼諸葛公伊呂得同調隆中  
吟梁父妙意寄歌嘯三分限王業一隅割巴徼艱危氣逾  
振成敗事難料萬騎祁山東長星晦光耀英雄襟上淚時  
往不可弔我來臥龍岡目盡遠山眺蜿蜒西南斷千里自  
嵩少遙峯銜落日小閣耿餘照虛寢蔭疎槐上或施蘿葛  
英靈猶髣髴蜀魄子規叫成都八百桑古柏賸遺廟極望  
勞峨眉夜猿同噉噉

新野

今日樂莫樂水上兩菖蒲不知何年花一笑風迴裾  
公私亂蛙聲兩部鳴不已安得挾彈過湛湛一池水

白水村

風俗東都記文章西鄂存赤符千歲曆白水數家村銅馬  
何知帝蒼龍尚有孫原陵蕭瑟久里社薦盤飧

襄陽懷古

馬蹄一蹴失荆門百戰山河殘角聲估客帆檣依斷戍人  
家水竹暗孤城干戈格鬪英雄事賓從風流江漢情鄴下  
諸郎如虎兕不爭劉表一書生

大隄曲

去去隄下舟望望隄上樓鯉魚風信急漢水不西流  
宛轉唱桃葉哀怨歌竹枝攔街白銅鞮何如襄陽兒  
美人楚雲端明璫大隄下一曲歌落梅肯換千金馬  
結伴踏青游新妝待明發日暮行雨歸自惜雙羅襪  
綠水浸紅紗橫塘漢臯曲五月南風生一夕北人宿  
郎網縮項鰖一網出千頭持妾金錯刀欲前卻還羞

聞王師北征大捷凱旋恭紀

憶趨班劍屬車旁萬乘旌旄下朔方共識霆威臨北戶一  
時兵氣壓西羌朱旗晴閃天王字青海秋寒太白芒鬱  
鬱關門吹急雪大風雲起看飛揚



春遲苜蓿尚枯芟竟夕叢生天馬來九譯山川皆禹服萬  
靈風雨護軒臺前軍一戰妖氛滅邊燧全銷絕域開諸將  
不須分道入六師爭唱凱歌回

陰山天外插長屏積甲高齊熊耳形磧北已遮唐塞隧漠  
南敢近漢邊庭規恢社稷基磐石一用干戈勢建瓴萬帳  
降人皆不殺始知寬大在 朝廷

極北心殷隔九關喜聞霄漢捷書頒溫禺鞮獻燕然下阿  
布思擒瀚海還 廟算如神收絕幕侍臣刻石紀封山自  
慚喻蜀西南徼威德應須曉百蠻

登峴山亭至甘泉寺

籃輿嘔軋傍城隈。積霧霾陰黯不開。一磴自穿雲氣入。萬  
峯爭送雨聲來。山川浩蕩今如此。裘帶風流安在哉。千載  
牛山共揮涕。古苔秋井易心哀。

雲藏巖谷晝冥冥。忽聽天風響佛鈴。草際老僧迎客至。烟  
中修竹入門青。坐來瀛海茫茫地。盡失山川漠漠形。休問  
葡萄撥醅後。甘泉一酌自清泠。

午後忽開霽。襄樊歷歷在目。

誰教洗出翠娟娟。恰與青鞵布韞便。飛灑雨猶行下界。笑  
談人已坐諸天。雲生重覺衣裳潤。谷轉還欣草樹連。不數  
太行晴了了。山靈亦似舊因緣。

習家池

賢達不買名況乃盡醉時  
山翁坐鎮日酩酊何所爲  
舉鞭問愛將拍手笑童兒  
風流逕千載流詠高陽池

臨鳳皇灘望鹿門諸山

漢廣詎輕涉況此驟風雨  
旣霽昏翳除白浪猶掀舞  
江亭晚置酒悵望臨極浦  
隔江鹿門山列嶂淡可數  
中有隱君子塵枉笑州府  
崔徐亦雅游林下誰客主  
襄陽耆舊盡樵牧烟中塢  
蔡州高唱歇渺渺雲端樹  
南睇漁浦潭水深魚所聚  
漁人競賽神坎坎叢祠鼓  
會看澄潭下巨鱗出網罟

明日復過灘上

我昨凌飛湍足蹋千仞石濤波不可渡萬竅號竟夕坐笑  
片帆耳蛟龍爾何惜空令雲木杪隔此棲遯跡明朝初日  
亮馬嘶行意迫林端霞色明沙外練光白頓驚夷險異波  
輭穩如席重畱豈不佳嚴程遠于役車中省登覽嗒然恍  
夙昔青山爭向背眷眷昨游客漢江還送我十里照衣碧  
顧此雲物閑羨彼魚鳥適人生如蓬飄西東我何擇但愧  
抱甕老五畝得安宅魚梁近可指何處雲夢澤迴望穀隱  
山山寺失咫尺宅年覩熊緣還著永嘉屐

斑竹鋪北十里

曉起風露溼暗中草木香微聞蟲啾唧漸覺山低昂一綫

緣蟻上中休似螿藏荆南已如此愁絕瘴雲鄉

龍山寺樓

清絕龍山寺松杉六月寒斜光低雉堞遠勢出檣竿雲物  
堪銷夏江天入倚闌傳聞潭五色步履試求看

五色潭在寺左側

荊州

剩礎遺隍問舊疆龍門馬牧總茫茫接天波浪三江口橫  
地風雲百戰場尙有帆檣下巴蜀無多戶口在耕桑不堪  
原野蕭條地吹角重城倚夕陽

戎馬壬申逮甲申萬家烟火幾家存人如刳豕屠羊慘事  
異黃巾青犢論妖樹禍生天北極怪風寒捲郡南門龍陂

橋外坡陀血誰洗忠臣九地魂

地形天險楚江寬欲借荊州自古難虛笑百人稱武吏豈  
同列郡領材官雲臺特給親軍仗玉帳新登上將壇駿馬  
健兒君識否時平政要重師干

黃灘一線勢危哉駭浪驚濤打岸迴水國分聲空入市秋  
風臥虎想登臺迅從巫峽千盤下濁比洪河萬里來每念  
築堤能捍水始知高氏亦雄才

高氏堤五百三十里

### 孱陵

沙雜山廚飯風吹野館燈江深波浪惡月黑到孱陵

公安城東門駕小舟沿陂湖入不翳禪院

散帶披襟村路東。小橋流水曉烟中。行穿徑窄家家竹。喚  
得帆輕葉葉風。但有僧皆堪入社。況逢酒恰載連筒。時舟  
子方

以買酒  
至邑

綠漪笑爾波三尺。一任蛟龍萬仞宮。

塵中無地避炎蒸。濯足滄浪勝蹋冰。清梵依依烟寺出奇  
峯。歷歷火雲升。百年著我真浮客。一飯何人愧老僧。菱葉  
荷花雙槳路。他時聊記昔游曾。

### 晚過來雲菴

暑光漸退晚涼天。羽扇絺衣就夜禪。修竹徧栽隣。逕後清  
江橫繞寺門前。無猜沙鳥應如我。重到山雲不記年。一室  
優曇花。是否盆中草木總蒼然。

夜半渡蘭江比曉至新田鋪岡巒林木鬱然深秀頓  
忘行役之勞矣

澤國多清川方舟得屢渡蘭江波似鏡雙檝自沿沂昨來  
白沙洲沙際起宿鷺還尋洗墨池崖崩已非故來雲佛燈  
上一縷香烟度澄波延餘賞暝色入徐步三更天風生缺  
月光微吐星芒翻上下黯黹沈水霧列炬棲鳥驚征夫卽  
前路

性怯旣畏馬且還登我車登車苦顛頓夢寐無安舒復起  
攬衣裳暗中思故書澧陽舊有蘭可紉不可鋤只今白石  
上齒齒誰復餘物理異今昔人事同盈虛時見荒陂中清



露洗芙蕖

山腰列騎疎熹微見曙色天光一以辨萬象誰得匿巖巒  
走坡陀蒼翠淨如拭高低林木暗清泉流湜湜冥濛南山  
雲俄頃滿山北山靈欲出雨久旱潤黍稷吾行叩村扉一  
笑得飽食

朱立山太守見枉新詩奉荅

夜涼卷帙自迴環坐聽清猿夢裏還彷彿白綿紅雨句謝

公亭外舊青山

太守有白綿鋪細草紅雨落芳溪句往時在敬亭作也

夜郎西下最思君水複山長去住分柳葉湖邊連夕雨桃

花洞口萬重雲

澄江如練日哦詩公事蕭閑晝漏遲亦有清平賢太守不  
曾拜表賀龍池

朗州司馬行吟處野水荒烟一片平今日武陵溪上路與  
君同聽竹枝聲

白馬渡

山勢垂將絕江聲撼殿空磴初盤鳥道人欲倚天風偈仄  
喧呼急艱難道路中遠看帆影落烟渚曉濛濛

入桃源山牽蘿捫葛拾級而上洞穴宛然還過遇仙  
橋細流淙淙欲求漁人纜船之所了不可得故碑  
亦剝落無復存者

狹路披榛入仙源杳不逢空餘石橋水蒼蘚認遺蹤山鳥  
幽自哢溪雲閑更封野僧無一事飯罷午時鐘

世外神仙宅雲中雞犬聲捨舟何路入沿棹有人行聞道  
春來水桃花幾瓣橫年年流出在長共楚江清

長阪鋪雨

蒼溪西去總山程水穴風巖盡意行隔嶺雲含殘雨氣抱  
枝蟬帶蚤秋聲峯攢古木陰陰秀雪濺奔泉瀏瀏清正是  
暑消千嶂裏綠黏芳草愛初晴

辰龍關

東馬懸厓險關門鬱不開居然橫戟地曾此挂弓回浩蕩

妖星落蒼茫野吹哀兵家爭閒道爲語勒銘才

王師破賊從郭家溪

小路入

馬鞍山

山行日以高起伏勢未已盤紆衆峯盡一峯倚天起峯峯  
相羅絡雲氣閒其裏雲生始膚寸萬狀變譎詭須臾滿太  
虛一氣失俯視雷聲如嬰兒雨在絕壑底不圖人間世險  
絕轉可喜汗漫乞天漿嵌空抉石髓正從九州外瀉此一  
泓水

七盤嶺

百里轉絕壁萬木枝交撐下臨不測溪浩浩但有聲今來

登歷異目擊心已驚四虛無依倚巖嶠起崢嶸石塌容足  
劣徑垂如髮縈急雨吹山風重陰匿光晶山高風轉削颯  
然飄衿纓古人仗忠信入險無異營性命絕可憐煩憂一  
時并青林隱鬼火白日來山精誰能禦魑魅懷緬傷我情

七夕詞

鍼樓河漢低露氣晚淒迷此夕清猿叫良人過五溪  
修織月一痕長睂畫初嫁可憐新女兒燒香繡簾下  
爲君買香羅裁爲金縷衣春風著來舞蛺蝶一雙飛

辰州江樓

楚澤深來地轉靈浮香沉芷繞迴汀竹郎祠外昏山雨燕

子巖邊疊畫屏五嶺佛桑開更白

嶺表有紅佛桑頃在太守齋中乃更見白者

兩京薺菜采還青武陵一曲吹羌笛言語侏儻不可聽

### 漫成

天星寨高山入雲羣苗捷若猿猱羣十餘年前此窟穴  
木營下屯諸軍堂堂大將執枹鼓汾陽遠孫闕虢虎莫道  
潭中巨鯉魚橫海長鯨膏礎斧

村市鈔奪愁精夫漢家寶布充國租熟苗伊嚶生苗樂順  
宜喚煦逆當誅紅旗山下人相呼丈二尙有君王及辰陽  
莫輕楚門戶遠控粵蜀滇黔隅

錦州大姓彭與田願比內郡興國年長官宣慰吁可惜表

裏偵伺爲諸姦正嘉以還頻作孽麻瀘二邑無炊烟安得

感恩秦刺史組練三千誓同死

官車至多苗不畏

不怕軍多怕糧多此昔苗語也

餽饗不繼兵且退箐林

伏弩利鋌矛一縱獵火宜高秋人言石壘果可築上因懸  
厓下深谷地形天險人必爭州家官府尤清平

昔者乾道盧陽西特與諸蠻布威信武安不救馬邑戮古  
重徼功啟邊釁方今 天子德唐堯四門穆穆九譯朝如  
天好生性不殺苗乎苗乎爾莫驕

### 江樓

渺渺危欄外涔涔暮雨來江山抱城郭燈火閒樓臺濁浪

浮槎遠崩濤觸石迴三川驚暴漲愁絕且當杯

江漲行

君不見辰州城南夜將午馮夷江心起槌鼓老蛟跋浪潛  
蚪舞六丁天符遣行雨江聲如雷轟百怪雨腳如麻垂萬  
縷沈沈三日白晝冥仰視漏天那得補萬溪環滙崩奔流  
汎溢漸逼中南樓間茅我亦江岸住日測水勢聯方舟初  
來窗中星斗近爾日戶內魚蝦稠天瓢頓翻兩龍子海眼  
誰鎮三犀牛窮山大樹蔽江下傍水老屋隨波浮災祥未  
省五行志頽壓自爲千家愁街中乘船朝入市父老驚嗟  
童穉喜傳說曾經萬曆時七十餘年重見此人家半扉何



足道屋瓦沙痕畱水底心慚河內乘輅車浪說周南滯太  
史百憂集行路難明朝欲往愁飛湍驅龜役鵲不得渡中  
夜鼓枕危難安從來楚俗重禱祀江神應復哀我頑香烟  
未絕風西南宿雨欲洗山拖藍

晚霽二首

枕席濤瀾上人閒憂患長身真蹋鼇背路尙阻羊腸日月  
終開霽風雷已退藏忽傳江漲落喜極倒衣裳  
每恐高城決猶欣巨浸平鯨鯢終窟宅燕雀且生成捍患  
時方急橫流禍不輕漫勞喧鼓角悲健雜江聲

詠古

伏波三輔英寄跡關隴閒晚成遇英主名並蕭曹肩據鞍  
矍鑠翁垂老征羣蠻壺頭咽喉搃成功詎云難道暑水毒  
淫跼跼愁飛鳶曳足視鼓譟見者猶哀憐身死印綬收勲  
高賞不延傷哉薏苡車譏鼎應雕鐫觀其誠子弟刻鵠遠  
咎愆誰能易世後孺孿防未然峩峩銅柱標長畱極南天  
蠻祠喧簫鼓琮竽亦告虔巫言神醉止野老舞蹀躞突兀  
虛殿瓦歲久溜雨穿薄帷飄迴風仿佛識遺顏緬思雲臺  
畫弔古畱餘潛

三閭身旣放長鋏帶陸離瑤圃駕青虬崑崙驂白螭恢之  
言彌廣侘傺世莫知上沅乘舫船凝滯江水滄辰陽旣夕

宿淑浦行透遲去國日漸遠雲日交蔽虧雪霰一以零幽  
巖淡無姿渺渺洞庭波佳人見何時汀洲搴杜若容與將  
遺誰菹醢百不悔謠詠言其私芳馨與腥臊詎得同器施  
葦路啟山林鐘虞旻將移夷陵秦大入章臺猶射麋雲雨  
巫山陽武關歸無期試招汨羅魂悲風滿靈旗弟子亦搖  
落煩冤作楚詞

夜郎竟長流天末懷李白咨嗟赤霄裏鍛此鸞鳳翮四明  
狂歌人天台坐忘客一見驚仙骨八極可揮斥賦詩上金  
鑾非常主恩澤翻然乞身去浩蕩事遠適悠悠平臺春汎  
汎滄海夕東南波連山潯陽夜挂席水軍旌旃滿名高見

驅迫浮烟揮賜金順逆不再擇九天一飄墮萬里遂竄謫  
江潭憔悴容遼海流離跡匡山懷舊隱頭白歸夢隔聲名  
王中允行在奏凝碧鄭老雲海閒地下誰蕩滌人生遭逢  
異往者非一格羽衣黃樓中追想年五百當時投魍魎此  
樂得猶昔文章光燄長放逐天地窄嗟哉武陽山萬古一  
片石

殊方

猺獠巨音接巴渝舊俗同鴉鋤荷蠻女桐子拾溪童土禁  
丹砂穴家收白蠟蟲殊方風物異油素媿揚雄

船溪驛

久習靜便趣矧茲巖壑鄰溪風涼送暑山月夜畱人窗好  
開書帙牀虛拂簟塵誰知是淹泊延佇夙心親

大龍門

時暴漲  
甫落

卷波吞岸谷炊黍少人家滄海真驅石恒河只散沙斷崖  
崩礧礧老樹臥槎牙晚景頽檐下風吹杜若花

沅江驛樓

飛梁千尺偃長鯨斜日烟霏紫翠橫曾憶亂山沅水驛

徐  
秘

沅州驛詞云秋欲  
暮路入亂山深處

慣經遷客舞州城倚簾江映琉璃色傍

舍秋寒蟋蟀聲正是愁心孤迥處龍標明月晚還生

龍標  
城距

州五  
十里

迴龍關

擘開翠峽迅湍流洗出晴雲秀嶺浮拂拭西風衣上雨迴  
龍關下暮江樓

相見坡

清風生山巔微雨在山腳後山路始窮前山壁又削飛龍  
中忽斷奔馬勢旋卻兩山鬱嵬峩一水相互絡洩雲天光  
漏仄壁石氣錯俯逐飲澗猿仰睇投林雀高低總躡下  
上殊苦樂彼途俄復經此路邈如昨千里同一瞬青冥倚

寥廓

飛雲巖

蒼然月潭寺秀絕飛雲巖玲瓏窈奧坼幽闕神靈潛千年  
水穿溜點滴滲石乳垂垂萬蜂窠鑪鞴不得補

卽事

山谷陰晴異西南氣候偏螺紋苗女髻雞尾馬郎顛飽食  
愁香米侵膚畏瘴烟猶防孔翠毒不敢飲流泉

清平縣

麻峽古阨塞歷代蠻所爭盤旋三重壁削削萬仞城峻極  
香爐峰百萬容勝兵漢水戶可汲沃疇人可耕在地有設  
險誰能廢承平明初防戍卒九千此連營百年閱武塲草  
長蟪蛄鳴所以正德中羣苗復縱橫銳師下貴竹勁旅來

湖荆百道絕梯衝戰功何由成適會長至夜啣枚卷麾旌  
火焚燄照天諸酋猶宿醒姦兇鬼神怒雷雨殲滿盈七亭  
訪遺址落日悲風生黃猴落燈閒故老難指名空餘重岡  
路草木颯秋聲

高真觀

溶溶浴仙池三百歷年久仙人浴不起池下石犀守偉哉  
張千戶殷勤報已厚鐵椎椎金魚封侯印如斗可憐仙緣  
薄凡骨亦速朽懷中棗尺餘米汁那得取

平越客舍見田綸霞侍郎題壁

麻哈江聲夜擊撞西風老屋字斜行蠻書一卷秋燈裏不



獨登臨憶侍郎